

*Inter
duos Tar-
tarorum
Præfectos
odium
Kiangsi
Provin-
ciam tur-
bat.*

troverſæ & contentiones, quæ paulatim in ſecreta odia tranſierunt: & quamvis uterque, more Sinarum, miro artificio odium diſſimularet ac tegeter; demum tamen in apertam totius Provinciæ perniciem erupit. Cum enim eandem regerent Provinciæ, ille Militaris, hic Togatus Præfectus, ſæpe ſimul convenire debebant, imo & convivia ſimul celebrabant. Forte protrac- to diutius convivio (ut moris ibi eſt) Comœdiam ſpectabant, in qua perſonæ Sini- cis, non Tartaricis veſtibus, tamquam pul- chrioribus utebantur: tum Kinus ad Viſi- tatoreſ converſus, *An non hic habitus no- ſtro, inquit, eſt gravior ac melior?* Fuere hæc verba ejuſmodi, ut de iis Viſitator per libellum Imperatoreſ admonendum judi- caret, in quo æmulum Kinum accuſabat, quod edictum Tartarorum de mutandis ve- ſtibus contemneret, magiſque propenſum erga Sinicas veſtes animum oſtenderet.

*Multa lo-
ca à Tar-
taris de-
ficiunt.*

Habebat Kinus apud Viſitatoreſ mun- neribus largitionibuſque à ſe corruptum quemdam, qui alteri erat à ſecretis: is eum de ſingulis dictis vel ſcriptis admonebat. Vbi vero hunc libellum miſſum audiit, per ſuos ſtatim curſoreſ intercipit, ac libello lecto, quamprimum Viſitatoris palatium armatus invadit, ac ipſum trucidat. Dein- de cum tota Provincia, applaudentibus Si- nis, à Tartaris deficit, ac Junglieum Impe- ratoreſ agnoſcit. Una urbs Cancheu, quæ à fideliffimo Tartaris Duce regebatur, non paruit Kino; imo, ut videbimus, ſola in cauſa fuit, cur Tartari denuo Kiangſi ac Quangtung Provincias recuperarent. Nam & in Quangtung Provincia ſummus mili- tum Dux Lihuzus eodem tempore à Tar- taris defecerat, ac eam Provinciæ Jun- glieo ſubjecerat; & in Huquang Auſtra- liores partes Junglieum quoque admiſerant Imperatoreſ. Lihuzi autem mens ac confi- lium erat, cum Kino vires conjungere, & unitis viribus Tartaros ejicere ex Imperio. Nec forte victoria conſilio deſuiſſet; ſed Præfectus urbis Cancheu (quæ quatuor Provinciarum clavis eſt) dolo ac arte ſpem omnem præcidit. Is ubi Lihuzum etiam à Tartaris defeciſſe, & cum exercitu adve- nire inaudiit, hanc ad eum epistolam dedit:

*Cancheu
urbis
Præfecti
dolos.*

Hactenus Kino non parui, quod illius vires Tartaris pares non crederem: ſed quando- quidem, fortiſſime Dux, etiam in Tartaros moves, quod amplius ab his ſperem non ha- beo. Tuus ſum, & tuarum partium ſectator: ubi vel ipſe, vel per tuos aderis, hanc

urbem tibi tradam. Interea ex vicina Pro- vincia Fokien quanta poteſt à Præfectis Tartaricis auxilia poſcit, quæ quam poteſt occulte in urbem intromittit. Adeſt ergo Lihuzus, & urbis portas apertas reperit: ſed dum quaſi de tota re ſecurus cœpit in- gredi, ab undique inſurgentibus Tartaris invaditur, ac magna vi repellitur. Inopina- tus iſte caſus perculit ejus milites; magna- que affecti ſunt ſtrage: ipſe quoque extin- ctus dicitur; nam de eo nil amplius audi- tum eſt.

Hæc res maxime Jungliei Imperatoris negotia ac ſpes turbavit. Sed Kinus interea non paucas de Tartaris victorias obtinet. Cum enim ſummus Auſtraliæ Provincia- rum Præfectus, qui in Nanking urbe ſedem habebat, quantas potuit copias repente col- legiſſet, ut Kinum opprimeret; caſus ta- men ac fugatus eſt aliquoties. Et ſiquidem hic Kinus victoriarum curſum promovere potuiſſet, ad ipſam uſque Nanking urbem victor penetrariſſet; ſed propter urbem Can- cheu merito ſollicitus, regredi coactus eſt: quia à tergo hoſtem relinquere tutum illi non erat, cum nec annonam, nec reliqua neceſſaria à Junglieo habere poſſet, niſi per urbem Cancheu, prono flumine. Quare ubi de Lihuzi caſu inaudiit, cum omnibus ſuis copiis ad Cancheu urbem ſe contulit, eam- que obſedit. Verum dum hæc obſidio mo- ras trahit, ex Regia Peking novus adſuit Tartarorum exercitus, cui mandatum erat, ut Kiangſi Provinciam recuperaret. Vnde Kinus, relicta obſidione, ad Borealia Pro- vinciaſ conſinia cuſtodienda ſe recepit, Tar- taris ingreſſum prohibiturus. Et primo qui- dem ſatis feliciter ac fortiter pugnavit: in- gentem enim habebat exercitum Tartari- cis armis aſſuetum ac pugnis: ſed irruen- tium impetum ſuſtinere diutius non valens, coactus eſt tandem retrocedere, ac Metro- polim Nanchang ingredi ad ſecuritatem: quam tamen urbem Tartari violento mar- te invadere non auſi, longa obſidione ad deditionem cogere ſtatuunt. Convocatis ergo undique ruſticis Sinis, & ad opus ada- ctis, tantum effecit, ut latiſſimam foſſam per ingens ſpatium circa urbem ducerent quacumque per terram patebat iter; in flu- minibus vero claſſes diſpoſuerunt, omnem ſic urbi annonam intercluſuri. Eſt urbs Nanchang ampla, & incolis frequentiffi- ma, quam ingens tum temporis militum multitudo propugnabat: unde, licet quan- tam potuit Kinus annonam collegiſſet, poſt aliquot

*Kinus
Tartaros
vicit.*

*Kinus à
Tartaris
obſide-
tur.*